

ANIMADVERSIONES

QVAEDAM

AD C. CORNELII TACITI
GERMANIAM

PROLVSIO

PRAEMISSA

ORATIONI ADITIALI

RINTELII

A. D. XXIV. IVL. clb lccc XXXXVII.

HABENDAE

A

FRIDERICO GVIL. PESTELIO

I. V. L. ET PHILOSOPHIAE MORALIS PROFESSORE
ORDINARIO.

TTPIIS

IOH. GODOFR. ENAX, ACAD. TYPOGR.

ALBERT SCHUBERT

MAY 179

AD. C. SCHUBERT

MAINTENANCE

PROBATION

CRIMINAL

RECORDS

RECORDS

RECORDS

RECORDS

RECORDS

Bayerische
Staatsbibliothek
München





ræfamur his orationi sollemni,

qua impositam a REGE AVGVSTO, PATRIÆ PATRE OPTIMO, in hac Academia docendi provinciam, rite et more maiorum adire animus est. Cuiusmodi inuitationibus cum selectum et diligentius excussum aliquod doctrinæ caput præmitti soleat, cuius commen-

tatione fructus aut voluptatis nonnihil ad eos rediturum speretur; quibus vel idoneis scriptionum iudicibus, vel discendi cupidis, illud qualiscunque ingenii specimen approbare cupiamus: venit in mentem mihi, publice per hanc æstatem C. TACITI *de moribus Germanorum* commentarium illustranti, ad vnum atque alterum illius locum disserere. Est ex eorum, qui antiquarum rationum notitia imbuti sunt, iudicio et sensu genus quoddam liberalissimæ voluptatis; indagare institutorum, quæ etiamnum florent, origines, intelligere illum veluti genium maiorum, sæpe adhuc in posteris conspicuum, agnoscere hic naturæ, nondum illo artis populo obuolutæ, simplicitatem, diuinamque in eo mutationum quasi orbe prouidentiam venerari. In ipsa adeo imagine veteris Germaniæ, *informis licet terris, asperæ coelo, tristis cultu aspectuque*, quam *ferè nemo ultro peteret, nisi cui patria esset*, est inquam in ea ipsa imagine aliquid, quod placet, vti cuius collatione demum præ-

sentis aevi praestantia plenius aestimetur. Olim, fateor, quae est non in vniuerso tantum litterarum genere, sed singulis etiam earum partibus vis et potestas saeculi, (a) exigua erant patriae antiquitatis pretia, quod, nihil in ea splendidi, nihil magnifici, plurimum contra barbariei, nihil in vetustissimis Germanorum scriptoribus cultus et elegantiae extare putaretur, cuius contemplatione bene natus aliquis, et in spem luculentioris fortunae liberaliter educatus, porro rerum externarum, et praesertim veteris Romae admirationi, atque legendis, qui ea posteritati propagarunt, melioris notae auctoribus, adsuetus et innutritus vtcunque pascere-
tur. Verum recentiori aetate, quam salutaris labor sit, qui in illustrandas res patriae antiquas impendatur, quantum intercepto antiquitatis lumine in multis, vthoc vtar, Iuris publici, ciuilis, criminalis, capitibus tenebrarum offendatur, viri docti, et qui vsum earum rerum habent, satis, opinor, asseruerunt. (b) Quae hic persequi omnia, nostrae breuitatis non est; in primis cum illi litterarum generi satis commendationis vel amuleti praestent virorum primariorum, qui in eruendis proferendisque veteris aevi monumentis diligentissime versantur, exempla et auctoritas. Certe materiam prolusionis popularem, et quae non vnus tantum disciplinae sacris addictos ad legendum inuitet, nos inuenisse confidimus: si in amoenissimum antiquitatis patriae campum excurrentes, flores quosdam, diligentius considerandos ex eo TACITI libello sumamus: quo veteris Germaniae situm, ritus, conditionem, accurate, vt peregrinus, et plerumque, modo recte intelligatur, (c) vere complexus est scriptor, illo ipso labore, studio, et

(a) Vide Excellentissimi GESNERI iucundissimam *de vi consuetudinis ac Saeculi in studiis litterarum* dissertationem opuscul. I, 1.

(b) Dedita opera illud argumentum tractauit Cel. CRAMERVS in progr. *de coniungendo iuris et antiq. Germanicarum studio*.

(c) Ideo, quod obiter monemus, *absque commentario* legendam esse Taciti Germaniam censuit Thomafius. De *fide Taciti in rebus Germanorum*, praeter Gundlingianam disputationem, in primis commendari meretur DITHMARI dissertatio.

et *venerentia posterum*, (d) illo summo, et quod merito privatae ac regnatricis prudentiae omnis promtuarium appelles, ingenio amabilis.

Locus, ad quem primum commentari operae pretium esse duximus, est,

CAP. VII.

Caeterum neque animadvertere, neque vincere, nec (ita legimus cum Gronouio ad h. l. proneque) verberare quidem, nisi sacerdotibus permissum, non quasi in poenam, nec ducis iussu, sed velut Deo imperante, quem adesse bellantibus credunt.

I. Dispiciamus ante omnia, recte ne ex his verbis eliciatur, in vniuersum et belli et pacis tempore puniendi, ac facinorosos quosque supplicio afficiendi, potestatem, habuisse sacerdotes. Mihi, fateor, qui ea in sententia sunt, (e) falli, nec verba illa superioribus et proxime sequentibus conuenienter, interpretari videntur. Veriatur in explicanda belli gerendi ratione auctor. Negat multum in exercitu posse ducum imperia. Ipsam adeo criminum animadversionem non illis, sed sacerdotibus, permitti solere addit, eiusque instituti rationem subiicit, definite distincteque ad bellum restrictam. Igitur de iis *duntaxat* delictis, quae in expeditione admitterent milites, intelligendum esse, mihi quidem fit verisimile.

II. Neque est, vt vniuersitatem illius iurisdictionis in quocunque criminum genere ex alio loco auctoris cogas, quem laudat

a 2

HEI-

(d) Sunt verba *PLINII ep. IX, 14*. Putabat hic, ad honorem et praestantiam suam pertinere, vt Tacito, si parem esse non liceret, certe proximus haberetur. *V. d. l. ep. 23*. Caeterum virorum doctorum de Tacito iudicia large exhibet Celeb. *FVNCIUS in doctissima tractatione de imminente L. L. senectute IX, 62. seqq.*

(e) Inter interpretes huius loci *DITHMARVM*, qui reliquos fere industria superauit, indicasse suffecerit. Addamus verba *B. TREVERI ad Pufend. de O. H. et C. II, 14, 8. Carnificis*, ait,

NEINECCIVS, (f) quique sic habet: *silentium* (in conciliis) *per sacerdotes, quibus tum et coercendi ius est, imperatur.* (g) Quae vt recte intelligantur, rem placet repetere paulo altius. In pace iura per pagos vicisque centenis ex plebe (sub qua ingenuos, seu qui nec libertini, nec serui essent, comprehendi puto) comitibus adiuncti, reddebant principes: (h) quibus ob eam causam vltro et virum armentorum frugumque aliquid conferret ciuitas, quod *pro honore acceptum* (en antiquissimas ingenuorum collationes, voluntarias illas, postea *die beeden*, dictas!) etiam *necessitatibus* subueniret. (i) Si qua autem controuersia grauior exoriretur, de ea in conciliis decerni solebat, in iisque accusare et *discrimen capitis intendere* licebat. (k) Sacerdotibus aliquam partem in animaduersionibus illis fuisse, nullus, quantum ego quidem sciam, veterum locus, nos vel affirmate dicere, vel suspicari iubet; nisi temere eam ipsis auctoritatem tribuere audeas, quam apud Gallos vel habebant, vel sibi sumebant *Druides*. (l) Id solummodo iuris praecipui in conciliis obtinuisse legimus, vt commendarent modestiam, vel, si maus, illud: *fauete linguis*, pronuntiarent. Ait noster, *silentium per sacerdotes, quibus tum* (significanter! ergo non vniuersim, sed.

officium apud veteres Germanos a sacerdotibus, apud Romanos a consulibus, apud Russos ab imperatoribus exercebatur.

(f) *Elem. Iur. Germ. II, 18, 6.*

(g) *de M. G. c. XI.*

(h) *Id. d. I. c. XII.*

(i) *Id. c. XV.* An et pars mulctae? Affirmat Dithmarus ad h. l. laudatque Taciti *c. XII.* qui *Regis vel ciuitatis meminit.*

(k) *Id. c. XII.*

(l) Diferte Caesar *de B. G. VI, 21.* negat, Germanos habuisse Druides. Scilicet *hi peculiarem ordinem* constituebant apud Gallos, illorumque erat de omnibus *controuersis publicis ac priuatis decernere*, vt reliquas ipsorum philosophias, quibus se a vulgo segregarent, silentio praeteream. Huiusmodi sacerdotes Caesaris aetate ignorabat Germania. Sed haec disputare, nostri instituti non est. Cui lubet rem diligentius cognoscere, adeat *Io. Georg. Frickii comment. de Druidis pag. 48. seqq.*

sed lasciuos, loquaces, qui linguam continere nollent) *et cor-
ercendi ius est, imperatur.* Rationem instituti inquiramus. *Primo*
qui colendi Dei, *secreti illius, quod sola reuerentia videbant,* (m) ra-
tionem praeirent, magna in veneratione erant apud veteres.
Illi equorum candidorum, et nullo mortali opere contactorum, sacroque
pressorum curru, hinnitibus ac fremitibus obseruabant. Illi virgae, fræn-
gifferae arbori decissae, surculos, fortuito super candidam vestem sparsos,
terque ab eo, qui sparserat, coelum suspiciente sublato. secundum impres-
sam ante notam, verbo, auspicia, sortes, religiones interpretari so-
lebant. (n) Apud varios populos fas vni sacerdoti fuit, attingere
vehiculum, veste contactum, quo Hertha, Dea, bubus feminis vehe-
retur, rebusque hominum interueniret, et ne quid patefacta fraude
de reuerentia erga illum Deae conscium deminueretur, seruos mini-
strantes lacus hauriebat. (o) Apud Naharualos muliebri ornatu Sa-
cerdos in antiquae religionis loco praesidebat. (p) Forte et viscum illud,
quo nihil sacratius, nihil ad medendum comitialibus morbis, ad con-
ceptum feminarum adiuuandum, ad ulcera efficacissime sananda, salu-
brius putaretur, falce aurea de robore demiserunt. (q) Atenim, ais,
fuerit sacerdotum summa in rebus sacris auctoritas; quid causae,
cur in rebus ciuilibus, in comitiis, eorum imperiis obtemperari
oportuerit? Fuit forte haec, quod in lucis, prisca formidine sacris, qui-
bus templorum loco vterentur veteres, (r) solerent agi conuentus,
vnde

(m) *Id. d. l. cap. IX.*

(n) *Id. cap. X.*

(o) *Id. cap. XL.*

(p) *Id. cap. XLIII.*

(q) Locus classicus de visco est PLIN. XVI, 44. et XXIV, 4. *Add.*
Keyser *antiq. Celt.* p. 307. vbi formulam Guthyth, non-
nullis locis sollempnem explicauit.

(r) Diserte Tacitus *d. l. c. IX. nec cohibere parietibus Deos, neque
in ullam humani oris speciem assimilare ex magnitudine coelesti-
um arbitrantur. Lucos ac nemora consecrant. Ne quem fol-
licitet, templi aliquoties apud nostrum mentionem fieri,
cum de Germanis agitur. Templum enim generatim
quemcunque locum inauguratum, cultuique destinatum diuino
denotare, obseruat Guthenius de iure pontificio VII, 3. Ita*

unde et colloquiis istic habitis nomen *der Hagerpracken* haesisse videtur. (r) Iam cum auctoritate suadendi magis, quam iubendi potestate, pollerent principes: (t) porro ipsa illa proceritas sylvae, et admiratio umbrae, fidem Numinis facere putaretur: quis religionis loci potentius moneret, quis, ut audirentur Reges vel Principes, sua nimium ferocem libertate, eamque armatam compelleret multitudinem, nisi Diuinitatis ministri, suiue se muneris inuolventes reuerentia Sacerdotes? Si qui facerent aduersus illorum edictum, et petulantius intercederent consultationum auspiciis, illos suo iure coercerent; forte ita, ut *sacris interdicerent*. Hae poena, certe inter Gallos, quoties Druidum decretis non staretur erat grauissima. Quibus ita esset interdictum, ait CAESAR, (v) *in numero impiorum et sceleratorum habebantur, iis omnes decedunt, aditum sermonemque defugiunt, ne quid ex contagione incommodi acciperent. Neque iis petentibus ius reddebatur, neque honos ullus communicabatur.*

III. Superest, ut de pugna, quae inter locum, ad quem commentamur, atque alium I. Caesaris intercedere videtur, simus solliciti. Is enim *de Germanis* definite, cum bellum, inquit, (x) *ciuitas aut illatum defendit, aut infert, magistratus, qui ei bello praesint, ut vitae necis*

templo apud Tacitum de M. G. c. 40. significari illum ipsum locum, quem antea castum nemus dixerat, planum est. De templo Tansanae, cuius Annal. I, § 1. meminit, res vehementer incerta est. V. Vir ill. 10. IAC. MASCOV. Geschichte der Deutschen IV, 2. not. 5. De Slaus HELMOLDVS Chron. Slavor. I, 83. alii simulacrorum imaginarias formas praetendunt de templis, veluti immense idolum, cui nomen Podaga, alii sylvas vel lucos inhabitant, ut est Prone Deus Aldenburg, quibus nullae sunt effigies expressae.

- (r) V. KEYSER *d. l. p. 77.* Cui subiicimus nos loca Taciti *de M. G. C. 30. et hist. IV, 14.* HELMOLDI *d. l.* In primis conferri meretur Excellentissimi KÖHLERI, quem honoris causa appellamus, *differt. de inclita sede regali ad Reins §. 18.*
- (t) Tacitus *de M. G. c. XI.*
- (v) *De B. G. VI, 13.*
- (x) *De B. G. VI, 32.*

necisque habeant potestatem, deliguntur. Mirum est, haec ita conciliare Lipsium, ut Tacito de pace, deque bello sermonem esse Caesari coniiciat. Nam de bello dicere Tacitum ultro, qui locum ipsum inspexerit, nobis largietur; an *de solo bello?* superius disputauimus. Poterat ad illud confugere aliquis, in rebus Germanorum tantum non esse auctoritatis Caesari, quantum Tacito, ut quem ex eorum, qui post Caesarem in Germania militarunt, commentariis multa plenius et accuratius cognouisse credibile sit. Quam quidem exceptiunculam ut probent illi, qui nihil temere de fide Caesaris detractum cupiant, merito verearis. Forte inter utrumque conueniet, si ex mente Caesaris delectos fuisse magistratus dixeris, qui, quid commeruissent improbi, ex culpae gradu aestimarent atque definirent; sacerdotibus autem solis fas fuisse, poenas in consilio, cui forsitan et ipsi interfuerunt, definitas *exequi*. Remita imaginor. Putabant veteres, pertinere ad communem causam libertatis, ut *Duces exemplo potius, quam imperio, si prompti, si conspicui, si ante aciem agerent admiratione, praeesse*: (y) ipsorumque iussu *vinciri, verberari*, aut morte puniri paterentur neminem. Sed oportebat esse nihilominus, qui modestiam exercitus, sine qua saluus esse non posset, violentis, quoties necessitas postularet, remediis tuerentur, quibusque resistere inuidiosum et nefas haberetur. Igitur adhibebatur ad eam rem religio, cuius summam et praesentissimam vim in hebetandis et contundendis ferociorum ausibus esse, omnis aevi monumenta testantur. (z) Scilicet sacerdotes, ut quibus minus, quam Ducibus inuideretur, cum in crimina animaduernerent, non ex sua se persona poenas irrogare, nec ducis iussa exequi, sed sacro quodam instinctu commotos, Deo imperante, protendere manus ad corripiendos scelum et nequitiarum reos conuictosue, salubri et necessaria simulatione prae se ferebant.

IV.

(y) Taciti verba sunt *d. c. VII.*

(z) V. TREVERVS *de impostur. sanctit. tit. factis diss. II, 3, 2* et BIERLINGIUS, cuius memoria non vno nomine cara est Ernestinae, *dissert. de superst. tanquam arcana dominationis adhibita.*

IV. Caeterum non est, quod mireris, quid sit, quod comprehendendis et iugulandis militum nequissimis sacras manus commodauerint sacerdotes, cum vile existimari soleat munus carnificis, cum suppliciorum adeo conspectu clericis interdictum posteriori aetate fuerit, ut, qui funestis illis spectaculis, nisi consolandi vel precum formulas praeuendi causa, interessent, *a regula alieni*, et munere suo indigni haberentur. (a) Sunt enim non diuersarum modo, sed earundem quoque gentium illae veluti deliciae; ut de honestate et turpitudine nec easdem foveant, nec probatas perpetuo seruent opiniones: in quam rem multum eorum; qui praecellunt, auctoritas et imitatio, multum et casus potest. Certe remansit pluribus a Tacito saeculis illa opinio; interesse salutis publicae, ut, si sacra sit iustitia, si illibatus superfit honos supplicia decernenti iudici, nihil etiam de eorum existimatione deminuatur, qui, quod statuisset index, exequerentur. Innuunt id ipsum notae appellationes *des Frohnbotens* (b) *Nach* et *Scharffrichters*; tum earum instituta ciuitatum euincunt, in quibus constitutum fuit, ut *Scabini*, (c) ut ciuium (d) velet senatorum

(a) C. § X *ne Clerici vel Monachi sec. Clericis*, ait, in sacris ordinibus constitutis ex concilio Toletano iudicium sanguinis agitare non licet. Porro c. 10 X *de excess. praelat.* Nos autem, dicitur, quia idem Episcopus non solum in iudicio candentis ferri, verum etiam in furis suspendio grauiter noscitur deliquisse, cum his non tantum auctoritatem praestiterit, verum etiam praesentiam exhibuerit corporalem, ipsum indignum altaris ministerio reputamus. Ex illo horrore sanguinis, quem prae se ferret ecclesia, exortam esse maculam, carnificum muneri adhaerescem, coniectura est probabilis. Confer HERTIVM ad Pufend. I. N. et G. VIII, 4, 6. n. a.

(b) Glossa ad I. P. S. III, § 5. I. Suevic. c. 36. Weichb. art. 8.

(c) Meretur hic referri poena in eos, qui in continendis iudicii arcanis pleni rimarum futuri essent, constituta: *Es sollen ihn (loquacem) der Freygreve und die Scheffen angreifen, und verfolgen, und binden ihm seine Hände zusammen, und ihn auf seinen Buck werpen, und winden ihm seine Tungen zum Nacken hinaus, und stecken dar einen Pin vor, und doin ihm dann einen*

torum maxime iuuenis damnatos capitis interficeret, vel qui matrimonium postremus iniisset, prius collo damnati laqueum iniiceret, reliquis tum ciuibus in auxilium concurrentibus, (e) vel et accusator sua ipsius manu decretam animaduersionem exequeretur. (f) Sed de his disputatum satis. Progrediamur ad alium auctoris locum, diligentiori, ni fallor, meditatione aequè dignum.

CAP. XIII.

Nihil autem, neque publicae neque priuatae rei, ait, nisi armati agunt. Sed arma sumere non ante cuiquam moris, quam ciuitas suffecturum probauerit. Tum in ipso concilio vel principum aliquis, vel pater, vel propinquus, scuto frameaque iuuenem ornant. Haec apud illos toga, hic primus iuuentae honos: ante hoc domus pars videntur, mox reipublicae. Insignis nobilitas, aut magna patrum merita, principis dignationem etiam adolescentulis assignant.

b

I. Mi-

Strick an den Hals, und hangen ihn an einen Baum, als man sonst einen armen Sünder pfleget zu hencken. V. HEINECC. E. I. G. t. I. praef. p. 14. Plura volenti dabunt LL. Langob. L. II. tit. 60.

(d) V. MVLLER *annal. Saxon. p. 103.*

(e) V. de his *Camerar. oper. succur. I. 76.* ex quo hauferunt alii. De Henrico Duce Megapolit. quod ipse securitatis tuendae studio commotus, mortis damnatos iugularet, *suspensore dicto, V. Kranzii Vandal. IX, 8.*

(f) Facit huc, quod narrat *Dubrav. hist. Bohem. I, 32. princ.* iudicatum aliquando fuisse, vt furem mortis damnatum aut manu sua ex furca suspenderet accusator, aut, si id facere detrectaret, ipse a fure suspenderetur. Add. sententiam apud *Wehner. obs. praet. voce: besiebnen*, ex qua sequentià excerptisse sufficiat: *Da erkannten wir mit gemeinen Vrtheil: Möchte er da beweisen, und zu Gott und den Heiligen schwören vff ein Schwert, daß der genannte NN sein und des Landes Dieb wäre, und denn daß Sechs darnach geschwören möchten mit Wahrheit ihrer Seelen, daß der Eyd wäre rein und nicht nein, so möchte er den hencken mit seiner selbst Hand.*

I. Mirum videri debebat Romanis, apud quos inusitatum erat, secum ubiuis arma habere, (g) inter Germanos nihil publicae priuataeque rei *sine armis* agi. Sed is erat genius reipublicae militaris, vt nobilitatis quasi suae esse putarent viri, qui se ipsos *ad armator* appellabant, (h) his libertatis et gloriae instrumentis nusquam destitui, quibus vel ad defendendas, vel ad inferendas vltro iniurias opinione citius indigerent; quibus feruitutem imminuentem amouere, Romanisque, illis gloriosis superbisque victoribus, votum, rarum sane, extorquere contigisset: *māneat quae se daretque gentibus, si non amor nostri, certe odium sui, quando vrgentibus imperii fatis nihil iam fortuna praestare maius potest, quam hostium discordiam.* (i) Ita in concilium veniebant, (k) ad negotia, ad conuiuia, (l) procedebant armati. Ita per arma iurare, adoptare, (m) manumittere, (n) armis ad connubia, ad funera (o) vti solebant. Quin et honestum ac dignum forti viro putabant, vi et armis interire, atq; in praelio, in lecto illo honoris, cadere, quod genus mortis aditum ad *Valballam* (aulam caesorum) aperire credebant, in qua ludi, genio indulgeri, largissime bibi, constans erat persuasio. (p) Ipse auctor, tanquam rem insolitam et plane singularem obseruauit, quod cum *Hertha Dea Anglos Verinos* etc. *hospitio aduentuque*

- (g) Romanorum aliarumque gentium, cultiorum, barbararum, eo in genere consuetudines carptim recenset *Vir Summe Reuer. HEVMANNVS in hist. gladii acad. inserta primitiis Goettingensibus* p. 12. seq.
- (h) *Tencteri* apud Tacitum *hist. IV, 64.* Seneca *de ira I, 11.* Germanis, ait, *quid est animosius? quid ad incursum acrius? armorum cupidius? quibus innascuntur, innutriunturque, quorum vnica illis cura est, in alia negligentibus.*
- (i) Tacitus *de M.G. cap. XXXIII.*
- (k) *Id. d. l. c. VI.*
- (l) *d. l. c. XXII.*
- (m) *V. Hertium notit. vet. Germ. popul. I, 3, 15.*
- (n) *de Langobardis v. Paul. Diac. I, 13. C. tamen LL. Langob. II, 35.*
- (o) Tacitus *d. l. 18. et 27.*
- (p) Cf. Keysler *antiq. Cest. p. 127. VAL. MAX. II, 6.*

ventaque suo dignaretur, arma non sumerent: (g) et apud Suiones non arma, ut apud caeteros Germanos in promiscuo, sed sub custode, et quidem seruo, essent, quia subitos hostium incursum prohiberet oceanus, otiosae porro armatorum manus facile lasciuirent.

II. Delectari et exerceri armis a prima fere aetatula solebat iuuentus; (r) ut quae spiritum illum bellicum cum lacte matris adeo fortis ut plurimum, nec pericula defugientis, hauriret. Verum sumere arma, i. e. ad iura, quae cum militia in bello, in iudiciis, in conciliis coniuncta essent, omnia adspirare fas erat nemini, nisi quem *suffecturum*, dignumque illis ob aetatem et mores, iudicasset ciuitas. Quod de nobilibus et ingenuis peraeque intelligo, quia non distinguitur, quamquam de postremis interpretari malit HEINECCIUS. (s) Sumebantur armarite, et ea quidem ratione, ut vel principum aliquis, vel pater, vel hoc deficiente propinquus iuuenem scuto frameaque (t) ornaret. Affinis his est sequentis aevi observatio. Etenim et adollescentes *nobiles*, (nobilium nomen hic eo sensu accipio, quem saeculo adhuc XIV. illi subiectum fuisse, verissime docuit Perill. KOPPIUS, (v) nempe ut nobilitatis, quam vocant, superioris et eminentis personas indicet) igitur nobiles adeo ante hanc talem inaugurationem publicam, et sumtuosam ut plurimum, (x) non milites, sed pueri infra militares annos,

b 2 im-

(g) Tacitus d. l. c. 40. ac 44.

(r) Id. d. l. c. 24. et 32.

(s) Elem. Iur. Germ. I, 7, 163.

(t) De telo illo, quod *missile* fuisse, ideoque nomen a voce, frumen, mittere, quae est Wachteriana suspicio, accepisse non videtur, plura disputat Strauch dissert. ad Tacit. II, 2, 4.

(v) De insigni differ. inter S. R. I. Comites et nobil. immed. S. III. §. II. pag. 228.

(x) Non piget hic meminisse celebritatis illius, in qua pingenda multus est Arnoldus Lubecensis chron. Slav. III, 9. Edixit, ut ille ait, Fridericus Imp. curiam famosissimam apud Maguntiam celebratam anno 1182. ut filium suum Henricum Regem militem, et gladium militiae super femur eius potentissimum accingeret. Quid de abundantia, imo de su-

impuberes, necdum militaribus annis maturi, quin et armigeri (y) dicebantur; vt quod ad illos actus sumendi cingulum militare vim sollemnis declarationis habuisse videatur, eum, cui nascendi fors locum inter nobiles dedisset, vsumque illius ad tempus interceptisse impubis aetas, iurium omnium, quibus expleta pubertate demum frui mos esset, vel quibus alioqui ingenuorum conditioni praeferret nobilitas, reapse participem futurum.

III. Sed redeamus ad nostrum. Cui cum consilium esset, per totum illum de M. G. libellum, suorum ciuium et barbarorum (sic enim vocat maiores nostros) conferre mores; et hoc loco ritum *sumendae togae* cum sollemni illa armorum traditione comparat. Ait enim: *haec apud illos toga, hic primus iuuentae honos, ante hoc pars domus, mox reipublicae.* Mos erat apud Romanos, vt anno aetatis XV. (non XVII, vt Manutius, Nieupoortius, alique suspicantur, nisi iusta ratio suaderet, tempus illud proferri, quod tamen rarius accidisse, credibile est,) (z) vt, inquàm, ingressi annum XV. *togam praetextam* deponerent, bullasque, *haemisphaericas* illas, aureas aut *scorteas*, quas de collo pendulas gessissent, suspenderent *Laribus*: qui actus *sumendae togae purae, Liberae, virilis*, vel et dies, quo id fieret, *tyrocinium* dicebatur. (a) Is quidem erat primus iuuentae honos, et iam publice constabat, qui sic sollemniter in *forum deducti essent, forumque attigissent*, tirones, partem non domus tantum esse, sed et reipublicae existeret. (b) Similiter apud Germanos, qui publice

pereffluentia vectigalium dixerim, quae illic de omnibus terris congesta erat, quae sicut erat inaeestimabilis, ita cuique linguarum manet inedicibilis. Illic copia vini, quae per descensum, similiter per ascensum Rheni aduecta fuerat, sicut in conuiuio Afueri, sine mensura pro vniuscuiusque possibilitate vel voluntate hauriebatur etc.

(y) Cf. ill. ESTOR *de minister*. §. 349. p. 501.

(z) Confirmat hanc coniecturam grauissima auctoritate sua Celeb. GESNERVS *ad Plin. II, 14*. Vide etiam, si lubet, *Gronov. ad Tacit. annal. XII, 41*.

(a) V. Sueton. *Aug. 26. et Tiber. 54*.

(b) Tacitus *annal. XII, 41. virilis toga Neroni maturata, quo ca-*

publice armis cincti essent iuvenes, ex sua persona interesse conciliis, et, quos olim in castris remanere oporteret, (c) iam in acie, in praelio, locum obtinere, atque ad honorem Ducis, aut Principis adeo, sibi aditum virtute et prudentia parare incipiebant. Ante hoc *domus* duntaxat pars erant. Quid ita? Sui ipsius interpres est auctor. (d) *Dominum, inquit, et seruum nullis educationis deliciis dignoscas. Inter eadem pecora, in eadem humo degunt, donec aetas separet ingenuos, (i. e. faciat, ut separentur) (e) virtus agnoscat.* De Gallis Caesar: *Suos liberos nisi cum adoleuerint, ut munus militiae sustinere possint, palam ad se adire non patiuntur, filiumque in puerili aetate in publico in conspectu patris assistere, turpe ducunt.* (f) Caeterum qui tirocinio posito in *puerum* numero haberi inciperent, inque militiam adfiscerentur, patria tutorisue potestate solutos, sui iuris factos fuisse, idque accidisse ab anno aetatis XVIII ad XXI, ex hoc loco constare affirmant Hertius, Dithmarus, (g) alii.

V. Quae sequuntur verba cum noua, adque systema suum accommodata, ratione interpretatus sit Cl. METTINGIUS, qui non ita pridem in eruendo veteris Germanorum militiae statu diligenter versatus est; (h) meretur res hic tractari paulo plenius. Nempe opinatur vir doctus, qui alioqui a primis, quorum memoria extat, Germaniae temporibus, insignia illa nobilium iura, et potestatem fere summam, atque Regiae supparem, repetit, nihil apud Tacitum et Caesarem inter appellationem *principis* et *nobilis*, interesse, (i) qui etiam verbis *potentum, locupletiorum*, passim indicentur. Ita, ut hoc utar, illustrem illum locum nostri: *dotem non vxor marito, sed*

ma-

possendae reipublicae habilis videretur. Loca Tertulliani v. apud Lipsium in notis ad h. l.

(c) V. Conrad. Vrsperg. ad a. 1079.

(d) De M. G. c. 20.

(e) V. de hac locutione disputationem Gronov. obs. I, 4.

(f) De B. G. VI, 17.

(g) HERTIUS *notit. vet. Germ. pop. I, 3, 3.* DITHMARUS *ad h. l.* qui reliquos laudat.

(h) in tract. *de militia Germanorum veteri et hodierna.*

(i) d. l. §. 2. not. g.

maritus uxori offert : ideo de *nobilibus tantummodo* intelligendum esse suspicatur, (k) quod inter *munera*, quorum in verbis proxime conse-

- (k) *Seçt. I. 7. not. f.* Quoniam ad eum locum ventum est, paucis hanc rem dispiciamus. *Primo* ut asseri possit, *scutum frameamque arma* tantum *equestria* fuisse, vereor. Ait Tacitus eo loco, quem ipse laudat, nempe, c. VI, *Et eques quidem scuto frameaque contentus est. Pedites et* (praeter usum scuti frameaeque) *missilia spargunt. Deinde* refert noster c. XI. si placuisset ducis aut principis sententia, *frameas concussas* fuisse. Ergo et plebs habuit *frameas*, quam conciliis interfuisse indubium. Frustra sumitur, *equestrem militiam compositam* fuisse *solis nobilibus*. *Catti pedestri acie contenti* fuerunt; ideone nullam aut rarissimam inter ipsos eminuisse nobilitatem, fas est credere? Excipies, habuisse equites, quia *vicis Cattis viros equosque occidoni dedisse* leguntur *Hermunduri annal. XIII, 17*. Respondeo, habuerunt equos nonnullos in belli ministeria, caruerunt equitatu. *A. de M. G. c. 30*. Accedit, *comites* illos, *principum lateri adhaerentes*, quos memorat Tacitus, fuisse ex ipsius Cl. Mettingii sententia *seçt. 1. §. 8. p. 41. ministeriales*, et *inferioris ordinis milites*; et hi tamen *framea et equo utebantur*. Ait noster c. XIV. *Exigunt principis sui liberalitate illum bellatorem equum, illam cruentam victtricemque frameam*. Alii sub *equitum* appellatione comprehendi censent *ingenuos*. V. *Thomafius de homin. propriis §. 63*. Denique verba illa in haec *munera et quae sequuntur*, ad doctrinam de dote non pertinent; sed potius *ritum nuptiarum, symbola*, quibus connubialem consensum declarare follemne esset, complectuntur. V. ill. GEBAYERI, cuius egregiis observationibus, subinde editis, multum lucis accepit Taciti Germania, *program. ad h. l. Goettingae typis exscriptum*. Igitur, quod in *dissertat. de successione inter coniuges* nos tradere meminimus, hic confirmare non veremur, *dotem* illam, seu *dotalitium* vetus, et *ingenuis et nobilibus* ex Taciti sententia, et sequentis aevi observatione, communem fuisse.

consequentibus fiat mentio, referantur *frenatus equus, scutum, frameaque*, quae primo ob eam causam ad ingenuos quadrare negat, quia sic equitatus Germanorum non potuerit non fieri numerosissimus, cum tamen apud ipsos in *pedite plus roboris* fuisse constet, deinde quod arma, quorum ibi recensus instituitur, sint *equestria*, talibus autem uti fas fuerit nemini, nisi *nobili*. Sed revertamur in viam. Igitur locum, in quo illustrando versamur, sic intellexisse videtur Cl. Mettingius: *Insignis* (nempe Regia,) *nobilitas*, et *magna patrum* (nobilium) *merita*, *principis dignationem* (honorem, reuerentiam, ut inter reliquos iuuenes nobiles antiquiorem locum obtinerent) *etiam adolescentulis* (iis, qui, ut ipse ait, *armis nondum declarati essent sufficientes*) *assignant*. (l) Verum primo *principis et nobilis* appellationem permiscendam non videri, solide, uti solet, asseruit Perill. STRUVIUS. (m) Deinde plenior est *dignationis* significatio, quam ut *externo* tantum honore concludatur. Omnem hic, qua electi principes pollerent, *potestatem* complectitur, quod ex iis patet, quae proxime sequuntur. *Ceteris*, (malunt alii *ceteri*, sed non est, cur mutes, cum facilem planumque sensum habeat vulgaris lectio) *ceteris*, ait, *robustioribus ac iam pridem probatis aggregantur*, seu, non minoribus iuribus, quam senes reliqui, fruuntur, praeter reuerentiam, et persuadendi vim, quae ex aetate ipsis accederet. Deinde *per adolescentulos* non intelligendi erant armis gerendis propter tenellam aetatem inhabiles. Adolescentis generale nomen est, sub quo veniunt omnes, in quibus adhuc crescit mentis corporisque robur. Ita *Brutum* et *Cassium* cum praetura agerent, id est XL. annos nati essent, *adolescentes* vocat Cicero. Caesarem, cum pontificatum consecutus esset, quod ante XXXVI. annum fieri non solebat, *adolescentulum* dicit Salustius. (n) Ipse auctor plerosque *nobilium adolescentium* ad finitimas gentes, quae bellum gererent, se conferre tradit, ne longa pace torperent; (o) quos sane armis ante

(l) d. l. §. 3. not. c. et §. 9. not. c. sect. 1.

(m) In amoenissimis horis succisvris part. II. pag. 427. seqq.

(n) Haec talia collegit Manutius *comment. epist. Cicer. ad diuers.* II, 1, p. m. 107.

(o) De M. G. c. XV.

ante cinctos fuisse oportuit. Igitur locum illum ego sic reddiderim: cui patre insigniter nobili, vel etiam ingenuo, bene merito, nasci contigisset, illi adhuc adolescenti, *in noch iungen Jahren*, seu nondum senī, principales honores collatos fuisse, quibus alias *pridem probati et demum canescentes* ornari solerent.

Porro est in CAP. XV. aliquid, quod sollicitare possit antiquitatis curiosum. Verba sunt haec:

Quoties bella non ineunt, non multum venatibus, plus per otium transigunt, dediti somno ciboque.

Secum hic et cum Caesare pugnare videtur auctor. Ipse enim Germanos *ferarum pelles* gessisse, (p) earumque *venatu* viros pariter ac feminas apud *Fenhor* alitos fuisse, (q) testatur. Porro definite Caesar: *vita Germaniorum. omnis in venationibus et studiis et militaris consistit.* (r) Quam controuersiam vt componant; negationem ex verbis Taciti eiiciunt Lipsius, Conringius, Hertius, quam male geminatam, et petitam e prioribus verbis, opinantur, leguntque demto non: *multum venatibus, plus per otium transigunt*. Habent tamen negationem illam manuscripti, nec est refugendum ad emendationes id genus violentas, nisi sit, quod vehementer vrgeat. Nouam et ad hunc locum suspicionem profert, quem superius laudauimus, Mettingius; et Tacitum de *inferiorum ciuium ordine*, (*der Gemeinde*) Caesarem autem de *nobilibus*, loqui coniicit: nobiles enim distribuendis inter se plebemque praediis, per vniuersitatem occupatis, quaedam sibi recepisse, quae communiter possiderent, interque ea sibi solis reseruasse *venationem*, ab illiusque vsu exclusisse ingenuos. (s) Sed quanquam secundum *digitationem*, vel vt alii ad sensum Caesaris magis accommodatē malunt, *cognitionem*, distribui solere agros referat Tacitus: (t)

vena-

(p) Cap. XVII.

(q) Cap. XXXXVI.

(r) De B. G. VI, 21.

(s) d. l. sect. I. §. 4. not. d. et §. 10. not. b.

(t) De M. G. c. 26.

venationis tamen vel communicatae vel reservatae ne verbulo quidem iniicitur mentio. Et sane sequentibus seculis illam inter iura principum praestabilia relatam non fuisse, in celebri illa controuersia de *regali venationum iure* satis, nisi fallor, assertum traditumque est. (v)

II. At, ais, reiectis aliorum interpretationibus quid tandem fiet de loco illo, de pugna Caesaris et Taciti vera an opinata? Equidem sicputo; potuisse dici a Caesare, salua Taciti fide, vitam Germanorum, nempe negotiosam illam, quae conuiuiorum ac reliquarum voluptatum otio opponitur, in *venatione* aut *armorum exercitiis* occupari, seu quoties laborandi lubido incederet Germanis, vel venatum abire, vel armistractandis se exercere. Sed potuit ex vero addere Tacitus, raro laborare, raro negotiosos esse. Nam rem familiarem et agriculturam non tuebant ipsi; *domus et agrorum cura delegata erat senibus feminisque*; et tum demum, cum in *alimenta feras capere*, vel et vehementiori commotione corpus agilius et salubrius reddere luberet, venati fuisse videntur. Forte etiam ad laborem, ad exercitationes illas bellicas, prouiores fuere, qui Caesari innotuere, populi, quam reliqui Germaniam magnam inhabitantes. Hos si *somnum in diem extraxisse*, (*) *conuiuia, commissacionibus, accipiendis comitandisque hospitibus*, nullis cibariis legibus retentos, effusius indulgisse, ac *diem noctemque continuasse potando*, ponas, et ea in summam colligas omnia; constabit ratio, in pace non multum venatibus transgisse, comparate ad illud tempus, quod darent ventri, quod ignobili otio, *dediti somno ciboque*, consumerent.

Plura disputare in praesens non licet tempore exclusis. Igitur superest, ut ad illud accedamus, cuius causa hoc quicquid est scriptiunculae praemisimus;

c

et

(v) Scriptorum illorum recensum vide in *bibl. iurid. Struv. quam auctiorem edidit ill. BVDERVS p. 237. seq.*

(*) V. Tacitus *d. l. c. XXII.*

et orationem indicemus eam, qua professionis philosophiae moralis auspicia, bona, ut spero, et fausta sollempniter ac rite capturi, *de argumentis, quibus esse legem naturae euincitur*, differemus. Est ei rei dicta

XXIV. Iul. hora X. ante meridiana.

Qua ut PROCERES ACADEMIAE CELEBERRIMI GENEROSISSIMI AC PRAENOBILISSIMI HVIVS LITTERARVM VNIVERSITATIS CIVES NEC NON HOSPITES QVIBVS HAE TABELLAE OFFERENTVR QVIVQE ALIOQVIN STVDIIS NOSTRIS BENE CVPIVNT PRO SVO QVISQVE LOCO HONORATISSIMI, *in auditorio maiori* frequentes conuenire, nobisque lubentes et propitii adesse velint, enixe summaque observantia rogamus.

D. Rintelii a. d. XX. Iul. clcIccc XXXXVII.

